

Mla er a President Henry B. Eyring
Kot el Counselor er a First Presidency



Nglunguuch el Ultuil er a Klaumerang

Anglunguuch a lmuut el ngaruchei er a di tekoi el dolekoi el mora Dios. Ng eru el teletael er a cheldechoduch er a delongel el a Dios me a Rengelekel.

A nglunguuch sel medung el ngar sel teletelel, e kede ocholt a domelchesiu er a rengud lolab a beot el tekoi. A Chedam er a Babeluades a blechoel el onger el okiu a uldasu el mei er a uldesued el obengkel a ikel domelchesiu. Ngii a blechoel onger a meral nglunguuch el dodars sel sekum e kede meluluuch loba blakelreng el mo oltirkal er Ngii, er sel ngii a nger Ngii me sel taem el lemei.

A Rubak a kudmeklii tiaikid el yaksok el mora rokui el chad el mengui e meluluuch el kirel a Babier er a Mormon:

“E sel mngai a ika el tekoi, e a kulengit er kemiu me moker er a Dios, el Diak a Ulebengelel Chedam, el ngara ngklel a Kristo, el kirel a klemerang er a ikal tekoi; e a lskeum e ko moker el meral ngarngii er a rengmiu, loba blakelreng, me a klaumerang er a Kristo, e ngii a mochotii a klemernag leko er kemiu, loku a klisichel Chedaol Reng.

“Le ngoeak a klisichel Chedaol Reng e kau a mo medengelii a klemerang er a rokui el tekoi.” (Moroni 10:4–5).

Tia el yaksok a klemerang. Te milion el chad a mla melasm e mla mo medengelii tial klebokel yaksok el kirel a nglunguuch loku a klengeltengat el mekeek a klengar er tir er a diak a ulebengelel deureng. Tial yaksok a mora rokui el nglunguched el mo medengelii a uledsuel me a

soal a Dios el kired. Tia sebeched loltaut er ngii sel dengai omellach er a mesiungel a Dios el ngii a mla moterekokl lomekrael er kid. Okesiul tiang, ng sebeched lultuil er ngii omko kede mla orrengeles a cheldechoduch el medung er a klou el ongdibel. Ng sebeched loltaut er ngii sel de mosisechakl er a remisionari el tir a mla mokedong er a Dios loku a ngar el profet. Ng dirrek el melutk el kirel a ikel omellach el dengai er a bisop me a merreder er a branch.

Ng beot a llach el kirel, a mo uchul e a nglunguuch a mo oureor er a klengar kid. Ng kired loker el mo medengelii a klemerang loku a nglunguuch el mora Chedam el ngar a ngklel a Jesus Kristo. Ng kirel meral ngarngii er a rengud loker, el belkul a kmo ng meral bleketakl a moktek er kid el mo meruul er sel ngii a nger er a Dios el kirel a bo doruul. E a blakelreng er kid a kirel mokdubech lultuil er a klaumerang er kid er a Jesus Kristo.

A chad el osiik e mengui er a Babier er a Mormon rucheil er a techolbechelid me a oterkeklel a sebechel nguu a nger el kmo tial hong a klemerang e dirrek el nguu a sioning el kmo a Joseph Smith a uleiuid er ngii loku a klisichel a Dios. Uriul er a de moterekokl el chedal a Ikelesia, eng sebechel Chedaol Reng el melemolem el kldemed el kirel oterkeklel a bebil er a klemera el tekoi. Seikid, e sel doluluuch loba klaumerang, e kede medengei el kmo Chedaol Reng a mo ouchais er kid el kmo a Jesus a Kristo, me a Dios el Chedam a ngar, e Tir oubeltikereng

el mei er kid me a dirrek el rokui el ngelekel a Chedam er a Babeluades.

Tia ta er a uchul eng ngarnyii a yaksok el ngara Babier er a Mormon el kirel a dmolech el beltikelreng er a rengud sel sekum a Chedaol Reng a sioning el mei er kid el kmo a Jesus a Kristo: “Alsekum a chad a mo medemedemk e ngariou a rengul, e ouchais lokiou a klisichel Chedaol Reng el kmo a Jesus a Kristo, eng kirel mo oba dmolech el beltikelreng” (Moroni 7:44).

Ng klou a techall el de mukeroul er a chedaol tekoi sel bek el Sandei el temel olsengerenger. Sel Sandei er a Sengerenger a sebechel ngosukid el mo medengeli sel teletael el mlora Alma me a renegelekel a Mosiah el sechal, el tir a milluluuch e ulsengerenger el kirel a klemerang me bol sebechir lolisechakl er a re Lamanites loba klisiich, ngerachel, me a beltikelreng (mesa Alma 17:3, 9).

Sel Sandei er a sengerenger e kede odekiar a nglunguuch me a olsengerenger. Kede odars a uldersed er a sengerenger el mora bisop malechub a merreder er a branch a cheral ikel eru el temel a blengur el dimlak dongang, el mo omekngeltengat er a remechebuul. A uldesued me a nglunguched a obult el mora Osobel me tirkel Ngii a soal a bo dosiou er tir er a ikel usbechellir er a chedaol tekoi me a tekingel a klechad.

Seikid e a nglunguched me a soal a rengud a mo kmeed el uaia nglunguchel me a soal Osobel sel dolsengerenger el kirel a klengariou el reng, beot el mosisechakl, me a beltikelreng. E uai a ikel Ngii a mirruul, kede meluluuch el mo medengeli a soal a Chedam a bo doruul.

OSISCHEKLEL TIA EL KLUMECH

A President Eyring olisechakl el kmo a nglunguuch me a olsengerenger a sebechel ngosukid el mo “medengei a diak a ulebengelel klemerang.” Momdasu el kmo ngera el klaumerang er tirkal moldingel er tir a ousbech omelisiich e mkedmeklii a suobel el kirel. Okesiul tiang, alsekum a chad el moldingel er ngii a mla mad a kmal sechelil malechub a chedal a telungalek er ngii, e momdasu a mo mesaod el kirel a diak a ulebengelel telungalek me a klengar ruriul er a kodall. Ng sebechem el mo olsengerenger el kirir tirkal moldingel er tir me luchul e bol mesisiich a klaumera er tir er tial suobel.

NGEASEK

Bom Kldmokl ruchei er a Omoluluuch

A President Eyring omeklatk er kid el kmo a nglunguuch a “eru el teletael er a cheldecheduch er a Dios me a Rengelekel.” A dechoit a temed el kudmeklid el kirel a nglunguched eng sebechel tial teletael er a cheldecheduch el kmal mo ungil. Ng sebechem el lemuches er a journal er kau a ikel kedmeklem el kirel a nglunguuch er a bek el sils. Ng sebechem el lemuches a klengeltengat el soam loureng a sulel a Chedam er a Babeluades el kirel, me a rechad lousbech a nglunguchem, me a ker el soam a nger el kirel. E siotai er a Chedaol Reng sel mo mengitakl a chelitakl er a ikelesia malechub e ke menguiiu a bades er a chedaol llechukl. Sel moluluuch, e bom ungil el omtab er a Chedaol Reng sel lomekrael a ikel kirem el kmung, e bo mungil el omtab a omomelchesiu me a ngara uldesuem (mesa D&C 8:2–3). Momdasu a mo lmuuches aikel duubech er a journal er kau e mluut lomes a nger el mngai. Ng sebechem lousbech a ikel omeruul el ngara llel a babier el 95–97 er a *Preach My Gospel: A Guide to Missionary Service* el mo ngosukau lomtab a nglunguchem e bo mosuub lomtab er a Chedaol Reng.

RENGALEK

Nglunguuch el Sandwich

Ke mekera medengei omolekoi sel moluluuch? Ng sebechem el mecheli a nglunguchem el kmo, “Chedam er a Babeluades,” e chosmerii el kmo, “El ngara ngklel a Jesus Kristo, amen.” A ikel omdung er a delongelet a sel soam, el di uai a ikel molilt el mora kelem el sandwich.

Mlechesii a zunga er a sandwich, el ngmilt a betok el kakerous el kall el mo er tial kelem el sandwich. Telkib el tech el ngara delongelet a blauang, e mlechesii a chimo el tekoi el soam el mo meluluuch el kirel. Ng sebechem el kmo “ke mesulang” er a klengeltengat, mosaod a sebekereng er kau, molengit a klengeltengat, malechub e moluluuch el kirel a kerim.

E sebechem el medecheuii tial siasing er a kelem el sandwich. Mnguu el merkedii er a delmerab er kau el ngosukau lematk a ikel tekoi el sebechem el dmung sel moluluuch.

© 2014 lokiu a Intellectual Reserve, Inc. Urrekodel a rokui el klisiich. Milluches er a USA. Kengei er a English: 6/14. Kengei er a oidel: 6/14 Oidel a *First Presidency Message, October 2014*. Palauan. 10870 881



Chedaol Urerel a Jesus Kristo: Blauang er a Klengar

Bom ngara nglunguuch e msuubii tial klumech e mosiik el kmo ngera ke mo ouchais. Ng mekera klemedengei er kau er a klengar me a urerel Osobel a le choisisii a klaumera er kau er Ngii e omekngeltengat er tirkel momes er tir lokuu odingel me a olisechakl? A lmuut el bebil er a omesodel, e bo er a reliefsociety.lds.org.

Klaumerang, Telungalek, Ngeseu

Tiang a tebedechel a Klumech er a Roldingel e Olisechakl el mesaod el kirel a bebil er a urerel Osobel.

A Jesus a millekoi, Ngak a ngar el blauang el mlara babeluades el mei: a ngii di el chad el menga er tial blauang, a mo ngar el mora ulebongel” (Johanes 6:51). “A Jesus olisechakl er kid, a roltirakl er Ngii, el kmo ng kired lomes el bedul a Dios er a bek el sils el kirel a—a ngeso me a klisiich—el kid ous-bech er seikid el sils,” ng millekoi a Elder D. Todd Christofferson er a Chelechad er a Teruich me a terung el Apostol. “A siotai er a Rubak . . . a melekoi el kirel oubeltikelreng el Dios, el medengengei el mo el muut er a ikel mekekerei, el usbechellir a Rengelekel e semeriar lolngeseu er tir, dersta me a dersta er tir. Ngii a melekoi el kmo ng sebeched lolengit el ultuil er a klaumrang er Ngii ‘el mo mesterir a rokui el chad, el diak a ngera longreos; me te di mo ngmai’ (Jakobus 1:5).”¹ Sel bo dodengei el kmo a Jesus Kristo a mo meskid a ikel dousbech, eng

sebeched el obult el mo er Ngii el kirel chedaol klisiched.

A Elder Jeffrey R. Holland er a Chelechad er a Teruich me a terung el Apostol a siotai er kid “el mo teloi er tirkel lultirakl er a Kristo er a uchelel el dirrek el mle semeriar el kirel a blauang er a klengar—tirkel tir a *dimlak* el bo el cheroid te bai mlo er Ngii, e ulebengkel, e mlo medengei el kmo ng diak a ngo-dech le bo er ngii el kirel a ungil selbechakl me a mo suobel.”²

Lmuut el Bebil er a Bades

Johanes 6:32–35; Alma 5:34; 3 Nephi 20:3–8

Ngara Chedaol Llechukl

A Jesus Kristo a ulsisechakl er a betok er a eua el telael el chad. Uriul er a ongedei er a sils, e Ngii a dilu er a rultirakl er Ngii el kmo: “Ak chubteterir tirkal chad, el . . . dirkak el blengur:

“E ak bechiteterir me lorael di songerenger el mo remei, e te mo el taorer er a rael. . . .

“Me a rultirakl er ngii a okerei el kmo, Kede ngmai a blauang er ker el mekelii tial seked el ngar tiang?

“Me a [Jesus] a uleker tir el kmo, Ng tela el blauang ngarngii? E te dula el mko, ng Kleuid.”

Me a Kristo “ngilai a ika el kleuid el blauang, e ulereng a saul, e ulemii, e ngilai el mesterir a rultirakl er ngii me lecha er a mederir; . . .

“E te ulab a kesai el mekekerei el ngikel: e ngulmekngeltengat, e dilu me lengai locha er mederir.

“Me te ulemengur, e mlo medinges: e mocha smuk a ikel mlo derengel er a chelsel a kleuid loreuikl.” (Mesa Markus 8:1–9.)

ULEKLATK

1. D. Todd Christofferson, “Recognizing God’s Hand in Our Daily Blessings,” *Liahona*, Jan. 2012, 25.
2. Jeffrey R. Holland, “He Hath Filled the Hungry with Good Things,” *Liahona*, Jan. 1998, 76.

Ka Momdasu er Tiang

Sel de mei er a Kristo, eng mekera lolisiich er kid?